

Pilemon

Pauloŋo Pilemon Wane Kibi Qe Mange

¹ Na Paulo, na Kristo Yesu wane ra more mulap urumgo gemaile, so kimaze Timoti, ŋeto kibi iwa qe kimase so miti ŋei kimase Pilemon qe ginmaite. So geŋaneke mida. ² Doku tau tau magu geŋane matko lewan, okanmami, so kiaroze Apia, so miti ŋei togogle so zonom gorop, kimaze Arkipus eŋane weneŋ motmaite. ³ Magaze Anutu Waomze Yesu Kristo erano ŋine wet pesek so peam ŋinano maine payake. ⁴ Naso banem ki-manee Pilemon, geŋane eŋetŋone gorawe paki Anutune bakomine kito meŋeka okanmaile. ⁵ Ge Waom Yesu wane wetŋone so mali malipŋone motnom paki, Anutu wane ŋei ŋerep magu wet maep okanon okanmaine, ea wane naso banem kisiŋone rau det okanmaile. ⁶ Ge ŋenerop mali malipze weku okanmaike, ea wane na Anutu meŋenkawe oŋo qesiŋgangi, mali malip yewanjo dereretŋone malotkeki, ge ban Kristo wano ŋine mosop wane weleine ma okanmaine, ea wane kine detlukkene. ⁷ Kima maepne, ge Anutu wane ŋei ŋerep magu wetene ma ewekenom paki, wet maep okanon okanmaine, pakimo wet maepŋoneŋo nanano wet pesek so togole togole zok suaine wakonmaike.

Pilimon Wane Qelit Mama, Onesimus Eŋane Don

⁸ Ea wane nanane wetko iwa yale. Welekatne, masi mane yemo ge maine okangene Kristo wane enetko na maine don togole golatpe, ge masi ea maikene. ⁹ Nɔ silun wet maepɔ ge so na wenen geturan ɔtkimo, don pelekine golatmaile. Ea wane na iwa yale ramaile, na Paulo, na ɛei sele so na Kristo Yesu wane mulap ɛei. ¹⁰ Na Onesimus wane don iwa ra golatmaile, ge eɛe numa maine eɛe Kristo wane enetko okankaikene, nae giponne okanmaike, yemo na iwa mulap urumgo metpe paki, magak okankawe paki, Kristo mali malip wane kine kito mangole. ¹¹ Eɛe alakanka eu urata geɛone wenen geki paki, maine mi mapitgane more make, ɔ ukude yemo ge so na miti urata maine mapitɔore mayake.

¹² Na mo mainge birakawe geɛano umaike, so eɛerop na wet dereretne so asune wenen birakawe umaike. ¹³ Na don kisi maine ra qe-lanbe ea wane rau paki, mulap urumgo birananbi metkole, paki Onesimus ma walukkawe geɛane tungo iwa mere urata qesin naniakane detkole. ¹⁴ Nɔɔ aɔa togon ra ganbe qesin nanikenane mida! Nanane simileɔ, yemo ge geɛone simileɔneɔ raki okanikene. Ea wane na mi ma walukkaikale, Goɔo okenom, yemo maine okanikale.

¹⁵ Onesimus eɛe sot okane, naso bamgoka biragane sari geke, ea mo yaup mida, geɛano koso zinge sari more, gerop naso banem geulukeakane, yale okange. ¹⁶ Ukude eɛe urata medep yawwine mi okanmaike, midakaka, eɛe tanik yewa mo yuanike. Eɛe mo kima wele, ea wane ɛene wet maep okankaikene. Welekatne,

na nonjom enjane kima wele, yale detkawe paki wet maep okanka okanmaile. Ea wane ge enjane urata medep so Waom wane qelit nej wele yale dere more, wet pesek manerop desikene.

¹⁷ Ea wane ge nanjane detnom genjane urata nej kimanone okanmaileo, yemo ge Onesimus koso na wetjonejo neukene, yale enje wetjo maikene.

¹⁸ No enje genjane kine kine mane matalike, me sota mane okangeo, yemo enjane enjetine sauke more, nanjane enjet qekene. ¹⁹ Na Paulo, don iwa nae metenejo koboine gemaile. Sot me turuj yewa yemo ban nonjo makoke gingale. Pilemon ge nae mali malip medepne, yewanjo nanjane mali malip wane sot me turuj ea genjano pamaike, na daleo zok raikale? ²⁰ O kimane, na don gotlatmaile, iwa bakomse Waom wane ranom paki detnanikene. Ge so na njere Kristo wano kima wele gemaitane, ge wet pesek okannom wetne menageake.

²¹ Na detlukmaile, ge anja tewe tewekjone pamaike, wane na kine kine mane wane rawe, ge anjane tewekkene. Na yale detpe paki, kibi iwa qe ginmaile, so na detmaile, ge nonjo rakale, yewaka mi okanikene, ge koso manerop takotke okanikene. ²² Eso koso don mane yemo iwa yale, ge nanjane urum mane maulukenom okorayake, onoka wane na iwa yale wetkemaile, Anutu enje korop njinane meje menjen wane turujine maingeake, paki na koso mulap urumgo njine qekoknane more, njinano biranangi ukale.

Don Qoiqoine

²³ Epapras eɲe ge “kaiwe maine”, ginmaiɲe. Eɲe weneɲ narop mulap urumgo metmaite, ɲere Kristo Yesu wane mulap ɲei. ²⁴ So kima qesi qesiɲkopne Mareko, Aristarkus Demas so Luka, eɲe weneɲ “kaiwe maine”, ginmami.

²⁵ Waom Yesu Kristo wane mosopɲo ɲinerop maine gewareake.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
 Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963